

From: UUM CORPORATE COMM.
Sent: Ahad, 19 Julai 2020 10:17 pg
To: UUM - All Staff; UUM - All Students
Subject: PENSYARAH UUM DILANTIK SEBAGAI PENERUSI IYRES



UUM Corporate Comm.
Universiti Utara Malaysia

19 JULAI 2020 / 27 ZULKAEDAH 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Ihsan OYAGSB

PENSYARAH UUM DILANTIK SEBAGAI PENERUSI IYRES



UUM ONLINE: Pensyarah, Othman Yeop Abdullah Graduate School of Business (OYAGSB), Universiti Utara Malaysia, Prof. Madya Dr. Noor Sulastry Yurni Dato' Ahmad dilantik sebagai Pengerusi Jawatankuasa Pengurusan Sumber Manusia Institut Penyelidikan Pembangunan Belia Malaysia (IYRES), Kementerian Belia dan Sukan.

Pelantikan beliau oleh IYRES berkuat kuasa pada 9 Julai 2020 sehingga 30 September 2022.

"Saya amat terharu dan tidak menyangka dengan kepercayaan yang diberikan oleh Datuk Dr. Marzuki Mohamad, Pengerusi Lembaga Pengarah IYRES dan kepimpinan IYRES untuk menggalas tugas penting bagi pembangunan sumber manusia IYRES.

Mengulas lanjut, peranannya adalah membantu dalam memastikan pengurusan sumber manusia di IYRES khususnya berjalan dengan lancar serta menggembelng tenaga bersama warga IYRES bagi mencorakkan urus tadbir yang lebih cekap dan terbaik.

“Saya meletakkan harapan yang tinggi dalam mencapai kerjasama dan kepercayaan sesama warga IYRES supaya dapat bersama-sama menerajui kegemilangan dan kesejahteraan IYRES bukan sahaja dalam lapangan penyelidikan tetapi pembinaan jati diri yang kuat dalam kalangan warga IYRES.

“Malah, pelantikan ini membuka ruang yang lebih luas bagi menjalin kerjasama antara IYRES dan UUM pada jangka masa yang panjang,” kongsiinya.

IYRES dilancarkan pada 15 Mei 2005 oleh Tun Abdullah Ahmad Badawi, Perdana Menteri Ke-5 sempena Hari Belia Negara dan ditubuhkan sebagai badan berkanun yang bertindak sebagai pusat penyelidikan pembangunan belia kebangsaan.

IYRES bertanggungjawab menjalankan penyelidikan pembangunan belia, menganalisis isu semasa, menilai dan menyediakan input rujukan kepada pemegang taruh pembangunan belia selain bekerjasama, menyelaras dan menyertai aktiviti pembangunan belia yang berkaitan dengan penyelidikan yang dianjurkan oleh organisasi kebangsaan atau antarabangsa.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.